

LARRAKOETXEA'TAR EDURNE

Bizkaia'n ezaguna dogu Larrakoetxea sendia. Bilbao uri zarrean garrantzi aundikoa da sendi onek daukan jantzien sal-erosketarako dendea.

Sendi oneri buruz bein baiño sarriago idatzi dot.

Larrakoetxea'tarren entzutea, nortasun aundikoa be ba-da ta, Londres'era be eldu da.

Londres'eko gizon gizatsu bategaz ezkondu zan Edurne Edo Niebes Larrakoetxea neska gaztea, eleizan egindako ospakizun gogotsu baten, biak ziran izan be katolikuak.

Ezkondata gero, lan egiten eban Edurne'k Egazkiñetako laguntzaille edo "azafata" lez eta azkenengoz Pan Am egazkiñetan zan bere lana.

Bera lanean joian egazkiña egaz joiala, barruan lerkai batek egin eban eztanda eta 270 bidelari il ziran barruan. Euren artean ez egoan beste euskotar edo España'tarrak Larrakoetxea'tar Edurne baiño.

Lerkai ori egazkiñean ipintea Lockerbie'ren gaiztakeria zala esan eban, eta Edurneren aiztea dan Marina'k "El Pais" izparringian idatzi eban Siria eta Iran zirala lerkai ori ezartearen errudunak eta erantzunkizuna daukiela, diño, orretan, Ingalterra'k, Alemania'k eta Laterri Alkartuak, aurretiaz egin zan zemaioarra guztiak jakiteko lekuan ipiñi ez ebelako...

Berrogei ta lau urteko andrea dan Larrakoetxea'tar Marina'k auxe gogoratzean dauku: 1989'ko epaillean Eskozia'ko ertzaiñak emon ebezan albisteen bidez jakin zala, egazkiña ezereztu eban lerkai, zalantza barik Maru-an Abdel Razaq Mufit Irisat'ek ipiñia zala eta gizon au Palestina'ko Askatasun-Alkartekoa zala. Ain entzutetsu biur-tu zan Irisat ori 1988'ko urrillean atxillotu eban eta beragaz



Ezker-aldean, Edurne Larrakoetxea, egnzkinean il zana, bere aiz-teagaz eta amagaz, eriotz-aurreko gabonetan.

batera beste 16 gaizkille, gogorkerian ebiltzala uste ebanak.

Egun bi geroago Irisat'eri beronen berebillean erratikaseta aurkitu eutsoen mekanika bidez gertatuta egazkin bat zeruan egaz doala apurtzeko eta orrez gaiñera Helsinki'n Erri-Alkartearen Mezu-Ordezkaritzak artu eban zemaia, 15 egun barru apurtuko ebela Pan Am. n egazkin bat.

Larrakoetxea Andreak diñoanez, gogorkeri-arloan jakitun eta irakasle dan Wilkinson'ek 1998'an arturiko zemaio danetik orixe zala argiena esan eban eta agirian ipiñi bear zala toki guztietan, baiña beste iñok ez eban agertu Errusia'ko Mosku'n dan Erri Alkartuaren Ordezkaritzako iragartolean baiño.

LETONA'K

BAKEA DALA-TA

Aste eragiña, egun eragiñak, une larriak, eztabaida gogor-rak, batzarrak, alkarrizketak, etabar. Onetariko eginkizunen artean, bai Leitzaran'go autobidea dala, bai Bidart'eko gazteon arrapatzea ez dala, baleiteke, barririk nabarmenena Irun'go Apezpikuaren giltzapetzea izatea. Borondatez edo ezjakintasunez ETA'ko gizonak gaua emotera arteagaitik, ona emen zelan aurkitu leikean gizona espeteraturik eta oraindiño ez dakigula bertatik noiz urten leitekean, ezta urten aal izango ete dauanik bere.

Batzuk, bakerako alkarrizketak egin bear dirala, beste batzuk ezetz, olakorik entzun be gura ez dabela. Eta onelakoak, edo onetara pentsatzen dabenak, egon, badagoz, baiña ez dakigu, orraitio bakea zelako bidetik etorriko dan. Igali elduak zugaitz gainetik beera jausten diran modu-moduan beintzat ez dogu uste bakea etorriko danik, ori ziur. Norbaitek edo zeozere bultzatuta edo lagunduta, bearbada. Baleiteke guk uste dogun baiño jente geiago badagoala zirrikaturik bakearen zain, au egi biribilla da. Baina antza danez, bada egia, zeregin ori, bakearen zeregiña edo danak batera, alkarregaz egin, edo iñork bere ez, obeto deritzoena, Euskalerrriaren ingurunean dagozan Alderdiak, beintzat Ajuria-Enea'ko maian kide diranai, zeintzuk lapikoan burduntzalia sartu eta danak batera eragitean, gesu baten bakearen uso zuri ori ataratzea gura izango leikienak.

Or dago kakoa, lapiko ori, ezer galdu barik zelan edo zegaz ornidu, edo alik eta gitxien eragiñik, beintzat.

Dana dala, azkenengo egunotan ba dirudi bakerako alkarrizketak baketan edo erdi baketan jarraitzeko asmotan dagozela, au oso-osoa egia danik ez dakigun arren, ezta zelan jarraituko diran eta zetarako izango diran bere.

LARRONDO